

احسبها صح .. الحلقة (22) .. #ريمونتادا .. د . حازم شومان

حازم شومان

تاريخية تاريخية تاريخية مستحيل السلام عليكم ورحمة الله وبركاته. شبابنا وبناتنا كل عام وانتم بخير. كانت صدمة مروعة. الصدمة التي خدها برشلونة الفريق العالمي الجبار. لما دخل فريق كده مغموور اسمه ليفينتي. يعني يقينا هيسحقه. يقينا هيجيبها ستة صفر ولا حاجة وكل لعب من مهاجمين برشلونة هيبقى سوبر هاتريك النهاردة. واللي ما - [00:00:00](#)

يجيب جون برة المباريات اللي زي دي هيعرف يجيب جون النهاردة. وكانت صدمة مروعة بسبب الاستهانة بمستوى الخصم. ان ليفينتي هو اللي انتصر على برشلونة خمسة اربعة كانت مسرحية هزلية لملايين المتفرجين عبر العالم. وهم بيتفرجوا على برشلونة وهو بيخسر وبيخسر - [00:00:30](#)

بيجيب اربع اهداف قدام خمس اهداف لليفينتي. ده بسبب ايه يا اخواننا؟ بسبب الاستهانة. عشان كده من الكلمات المشهورة كريستيانو رونالدو انه كان بيقول انا لا استهين باي في خصم ابدا. فمهما كانت قدرات دفاع الفريق الخصم ضعيفة فاني لا استهين به. عدم الاستهانة من اسباب النجاح الكبيرة في الحياة - [00:00:50](#)

والاستهانة من اسباب الخسائر الفادحة والمفاجآت الفادحة في الحياة. ان الانسان يستهين بالحاجة اللي قدامه. وللأسف يا جماعة ممكن ليفينتي ان برشلونة استهان بك النتيجة ايه يعني؟ خسر مباراة. خسر بطولة خسر كاس خسر دولي. خسر لقب خسر جايزة. ولكن فيه خسائر لا - [00:01:10](#)

عوض لو الانسان ما حسبهاش صح. احسبها صح. فيه ناس مستهينة بالقبر. متهايا لها انها تدخل الملايكة. تديها قلمين وتقول لها ياللا على الجنة. فيه ناس مستهينة بيوم القيامة مش فاهمة يعني ايه خمسين الف سنة. يعني تمتاشر مليون يوم وميتين وخمسين الف يوم. تعرفي انك هتقفي على رجلك في حر الشمس تمتاشر مليون يوم - [00:01:30](#)

خمسين الف سنة ده من الفراعنة لحد دلوقتي خمس تلاف سنة. خمس تلاف سنة يعني الانسان هيقف عشر اضعاف من ايام الفراعنة لحد دلوقتي بالعصر الاسلامي ثلاثين اسرة الفرعونية والدولة العباسية والدولة العثمانية والدولة الاموية والدولة كل ده لو - [00:01:50](#)

ايه اصلا في يوم القيامة احنا متخيلين يعني ايه الاستهانة. الاستهانة بالنار والناس فاكدة النار دي حنة حريقة كده والواحد يعني حاجة دقايق يدخل الاستهانة بالجنة كأنها شوية خضرة ومية. الاستهانة بالدار الآخرة. وان احنا لم نقدر الدار الآخرة حق قدرها. سبب خسارة فادحة ولكن اكثر حاجة لما استهاننا بها - [00:02:10](#)

سببت خسائر فادحة في حياتنا. والكلمة اللي بتحمل تشخيص كل سبب من مشاكل حياتنا هي وما قدروا الله حق قدره وما قدروا الله حق قدره وما قدروا الله. الكلمة دي ترعب يا اخوانا الواحد حسان قلبه هيرتجف وهو بيقول الكلمة دي. وما قدروا الله ده - [00:02:30](#)

يعني احنا قدرنا العرييات حق قدرها. قدرنا الموبايلات حق قدرها. قدرنا العمارات حق قدرها. قدرنا لعبية الكورة حق قدرهم. ولم نقدر الله حق القادر يقول لك اللعيب الفلاني متين واتنين مليون يورو واربعة من عشرة. انما اللعيب الفلاني مية اربعة وتسعين مليون يورو وسبعة من عشرة. هو ايه ده! قاعدين يقدرنا الدنيا - [00:02:50](#)

هي حق قدرها. السيراميك ده فرز اول ولا فرز ثاني ولا فرز ثالث كل حاجة واخدة قدرها في الدنيا ولم نقدر الله حق قدره. لو انت خرجت من الدنيا قدرت كل - [00:03:10](#)

كل شيء حق خاطره ولم تقدرى الله لو انت خرجت من الدنيا وانت ما انتاش عارف مين هو ربنا انت خسرت خسارة لا تعوض عشان كده حبيب الله محمد عليه الصلاة والسلام - [00:03:20](#)

اللي عطر اذان الكون بالثناء على الله. في النهاية كان بيقول لربنا لا احصي ثناء عليك. يا رب مش قادر مش قادر اعبر عن اللي في قلبي تجاهك كل الكلام الثناء في الكون يا رب ما يعبرش عن شيء في عظمتك يا رب. ما يعبرش عن شيء في غناك. الشارع اللي انا ساكن فيه يا اخوانا شارع عادي - [00:03:30](#)

ان الشوارع الشقة التملك وصلت فيه المليون ونص. قعدت احسب كده قلت سبحانك يا رب! يعني البرج مسلا عشرين شقة يبقى تمنهم كم؟ طب الشارع فيه يجي الف برجر اصلا غير ان فيه مئات الحوارى كل حارة فيها يجي ميت برج تاني وميت عمارة ودي حنة منطقة صغيرة في المنصورة اصلا. اومال بقى القاهرة - [00:03:50](#)

طب الاتساع بارض الجولف بالمعادي بمصر الجديدة بمدينة نصر بيساكن الشيراتون اومال بقى دولة مصر كلها ومصر دي ايه قارة افريقيا. افريقيا ايه في الكرة الارضية؟ ربنا ملك الله سبحانه وتعالى. يعني عدد الشقق التملك على وجه الكرة الارضية يبقى بكام يعني - [00:04:10](#)

فلا شيء في ملك الله. ربنا غني قد ايه؟ وقفت مرة مع واحد بياكل مال حرام. قلت له يا اخي انا لو عندي برج ما اقدرش اديك شقة لو انا باحبك. الله ملك السماوات - [00:04:30](#)

الارض ما يقدرش يغنيك لو هو بيعحبك. اذا كان رزقك وانت بتاكل حرام استعقلت استعجلت على الرزق. بتاعك فخذته بالحرام. لو كنت صبرت كنتم نفس الرزق ولكن بالحلال نقطة دم حرام تدخل كبد الانسان مش هتخرج وهو سليم. تدخل كبد عيل من عيالك مش هتخرج. وهو سليم ربنا - [00:04:40](#)

احفظنا وما قدروا الله حق قدره هي سبب كل المعاصي بتاعتنا. ان احنا ما قدرناش هيمنة الله حق قدره. لو دبانة واحدة خرجت عن هيمنة الله قعد البيض بتاعها يفقس يفقس الارض كلها تتملى دبان لو سمكة واحدة خرجت عن هيمنة الله بعد خمس سنين البحار كلها هتفسد اصلا من كتر عدد الحادات - [00:05:00](#)

اعداد السمك الله مهيمن على كل زرة في هذا الكون. على كل نقطة في هذا الكون وما قدروا الله حق قدره. ما قدروش ربنا حق قدرها. الله خلق يا جماعة. مش ده اول صفة لربنا في القرآن اقرأ باسم ربك الذي خلق. بيعني ايه خلق؟ خلق يعني كل حاجة كانت عدم. ما كانش فيه حاجة اسمها - [00:05:20](#)

اصلا ما كانش فيه حاجة اسمها حازم ما كانش فيه حاجة اسمها الكبرى اللي قدامي. ما كانش فيه حاجة اسمها ارض ما كانش فيه حاجة اسمها بحر ما كانش فيه حاجة اسمها شيء اصلا - [00:05:40](#)

ما كانش فيه حاجة اسمها عرش ما كانش فيه حاجة اسمها ملايكة. ما كانش فيه حاجة اسمها طيور. ولما الله خلق خلق من غير مسال سابق. يعني الانسان ما اخترعش الطائرة غير لما شاف - [00:05:50](#)

الطيور ما اخترعش الرادار غير لما شاف الخفاش. ما اخترعش الهليكوبتر غير لما شاف الدبابير والطريقة بتاعة طيران ناحية انما الله سبحانه وتعالى لم يخترع هذا بمسال سابق اصلا. والله لما اخترع ده من اول مرة. يعني الانسان لو شافنا الطائرة - [00:06:00](#)

خمسين سنة نضحك على شكلها. لو شافنا العربية من ستين سنة نضحك على شكلها. انما الله لما خلق الانسان خلقه كده من اول مرة. لما خلق الاسد خلقه كده من اول مرة - [00:06:20](#)

الله لما خلق لم يعجزه اي شيء في الخلق. نفس اللي حطه في الفيل حطه في النملة سبحانه وتعالى. حطه في الميكروب حطه في الاميبة. وحنة الخلية الله قادر على كل شيء سبحانه وتعالى. الله خلق كلمة وما قدروا الله حق قدره - [00:06:30](#)

ما قدروا عظمة الله حق قدره. الله ما قالش الحاجة في الوجود كن مرتين ابدًا. الله خلق المجرة بكن وخلق الذرة بكن. الله خلق الفيل بكون وخلق النملة بكون. الله خلق الجنة بكون وخلاها نعيم. وخلق النار بكن وخلاها تحرق. الله خلق السحاب كن - [00:06:47](#)

وامره انه يمطر مية بكون وامره انه يمطر نار على الاقوام المعذبين بكن. الله سبحانه وتعالى بكون يفعل كل شيء. الكون كله ببسبح

ربنا ولو ربنا خلانا نسمع تسابيح المخلوقات. تسبيح الاسد تسبيح البحر تسبيح الطيور. تسبيح السحب. لو كل دول سمعناهم وهم
بيقولوا سبحانك في نفس واحد - [00:07:07](#)

قلوبنا هيحصل فيها ايه؟ نعرف فقرنا بقى امام الله. وما قدروا الله حق قدره فما قدروا انفسهم حق قدرها. لما ما عرفوش ربنا عظيم
قد ايه ايه هم اتكبروا هم نفسهم. عشان كده لحظة الدعاء لحظة لما القناع المزيف اللي انت لابساه واللي انت لابسه واللي انا لابسه
قناع الكبر والاستغناء يتخلع - [00:07:27](#)

وتمدي ايديك كانك بتشحته اهو. وترفعي ايديك لربنا وتتوسلي ويظهر على وشك حقيقتك وانت مكسورة لله. سبحانه وبتقولي
حسبي الله يعني ايه حسبي الله اتفرجت على فيلم زمان وانا طفل صغير كان بيتكلم عن الحملة الفرنسية وهي هاجمة على مصر
ففيه كتير - [00:07:47](#)

بقى ناس واقفة كده بقى مصريين كده ايامها لسة ما عهمش سلاح يعني. وواقفين بالسيوف بقى مستنيين الفرنساويين عشان
يقطعوههم. فبيهموا كده بقى بالخيول والسيوف وجايبين واحد فرنساوي كده ماسك مترليوس اول ما هربوا منه فتح البترليوس
عليهم قتلهم كلهم. المنزر ده علق في صدري تجاه الدعاء - [00:08:07](#)

الدعاء ده هو المترليوس. خلي الامراض تهجم والفقر يهجم والهجم والغم يهجم. والديون تهجم والمشاكل تهجم. خلي جميع
مشاكل اي ديون فقر امراض مشاكل اجتماعية مشاكل اسرية خلي جميع مشاكل الحياة تهجم ولكن كلمة يا رب كافية ان هي -
[00:08:27](#)

وما قدروا الله حق قدر احسبها صح. اوعى تستهين بقدر الله. والارض جميعا قبضته يوم القيامة. الارض طول عمرها في قبضة لا
اصلا. والقبض ده لما يقول لك فلان قبض يعني مات. دي اخر لحزة في عمر الارض. والسموات مطويات بيمينه. الاية دي بتخلع القلب
يا اخوانا. بتخلع - [00:08:47](#)

على القلب انا اقوى راجل في العالم جون سينا ولا ما يقدرش يطوي شجرة صغيرة كده بيمينه. الله يطوي السماوات بيمينه. الله قوي
قد ايه! والسموات دي ربنا بناها. ده قصر عابدين اتبنى من متين سنة ما حدش هالين عليه يهده. عشان يتبنى حاجة تانية جديدة
مكانه. الله يهد السماوات السبع في لحزة. لانه غني ويقدر - [00:09:07](#)

تبنى مكانها غير ان السماوات دي شاشات عرض جبارة. الحق بص وقل سبحانك. الحقي بصي في شاشات العرض الجبارة وقولي
سبحانك قبل ما تتقفل والسموات مطويات بيمينه دي لوحدها تخليكي تركعي الوقتي. وتقولي يا رب انت تقدر تحل لي كل مشكلة
في حياتي. انت يا رب تقدر - [00:09:27](#)

والله يا اخواني انا فاكر يعني لقطة كده بصيت عليها وانا باعد للسلسلة دهيت وباحضر للسلسلة ديت لقطة لما تكون وجابت الجون
في مصر والجمهور كله قعد يعيط والدنيا كلها اتقلبت ميتة. في التصنيفات كاس العالم. وبعدها بدقيقتين جالنا بلانتي وجبنا جون
واتقلبت الاحزان كلها فرحة - [00:09:47](#)

انا بكيت عارفين بكيت من ايه؟ بكيت قلت يا رب تسعين مليون واحد كانوا زعلانيين. في لحزة يا رب انت قلبت التسعين مليون ميت
لتسعين مليون فرح. هو انت يا رب - [00:10:07](#)

تقدر انك انت تقلب في دقيقة مجتمع كامل ودولة كاملة تقلب حزنها الفرحة يا رب ايا ما كان الفرحة ده فرح يستاهل ولا فرح انا بتكلم
يا اخواننا ان ايه الحزن اللي في حياتك ربنا ما يقدرش يقلبه فرح؟ لما ربنا يقدر يقلب احوال العالم كلها في لحزة الله قادر سبحانه -
[00:10:17](#)

وتعالى سبحانه وتعالى عما يشركون ونفخ في الصور فصعق من في السماوات ومن في الارض. ثم نفخ فيه اخرى فاذا هم قيام
ينظرون. يا رب نفس السور. اتنفخ فيه مرة كان سبب لموت الكائنات كلها في - [00:10:37](#)
السماوات السبع. اتنفخ فيه ثاني كان سبب لحياة الكائنات كلها في السماوات السبع. الله قادر. الله قادر انه يعطي بالسبب وبدون
السبب وبضد السبب وبعد السبب الله قادر. الله قادر انه يسخر فرعون انه يبقى المربي بتاع موسى. الله قادر سبحانه وتعالى فرعون

اللي كان مستني موسى عشان يدبحه. الله - 00:10:53

انه يسخر لك اي شيء وانه يسخر عشانك اي اسباب. ونفخ نفخ يا رب ده زمن ماضي يا رب يا رب سينفخ يوم القيامة. لأ نفخ. ازاي فيا رب لان كل ما سيحدث اذا كان الله قد امر به اعتبره ان هو فعل ماضي. فربنا بيعبر عن المستقبل بالماضي لان ما دام ربنا امر

هيحصل - 00:11:13

اللي هيحصل قدرة الله نافذة. يعني يوم القيامة جاي جاي. استعدادتي له. استعدادت له. يعني الميزان سواء فكرت فيه او ما فكرتش فيه هتلاقي نفسك بتتوزن عليه. العارضة على الله مش معنى انك ما بتفكرش فيه انك مش هتلاقي نفسك بين ايدين ربنا وبتتحاسبي. مش معنى انك ما بتفكرش في اول ليلة في القبر انك مش هتلاقي نفسك جواها. نفخ في الصور - 00:11:33
عق من في السماوات ومن في الارض الا من شاء الله. الله قادر ان الكون كله يبقى فزع ولكن على فلان ما يبقاش فزع. الله قادر ان الشباب كلهم الوقت يبقوا في بطانة - 00:11:53

وانت ربنا يفتح لك ابواب الرزق. الله قادر ان البنات كلها تبقى في عنوسة. وانت الله يفتح لك ابواب الزواج. الله قادر ان المجتمع كله يبقى في حزن وانت الله يفتح لك ابواب السعادة. الله قادر انه يعاملك معاملة غير الناس. بس على شرط عامل ربنا غير الناس. عاملي ربنا غير كل البنات. وكل صاحباتك - 00:12:03

كل بنات النادي وكل بنات الجامعة وشوفي ربنا هيعاملك ازاي. فصعق من في السماوات ومن في الارض ثم نفخ فيه اخرى فاذا اذا الفجائية فاذا هم هم. قيام بعد ما كانوا التراب وتفرق التراب بتاعهم في الارض. ينظرون واقفين مزهولين قاعدين يبصوا للانقلاب الكوني اللي حصل. ويبصوا - 00:12:23

الاحداس الرهيبة بتاعة يوم القيامة. ويبصوا يلاقوا مقرب منين والملايكة محاصراهم من كل مكان قدرة الله. قدرة الله. النهاردة كانت الرسالة بتاعتنا احسبها صح وما قدرنا الله حق قدره. احسبها صح فيما يتعلق بعظمة الله. احسبها صح فيما يتعلق بجلال الله - 00:12:43

وهو ده اخطر معنى في الرومنتادا. عشان نقدر نعمل ريمونتادا. عشان نقدر نعمل انتفاضة ونقدر ننتصر على الشيطان. لازم نعرف قدر الله. وعظمة الله وجلال الله التوصية بتاعة ريمونتادت الليلة هي ذكر الله سبحانه وتعالى. شف احب ذكر الى قلبك. قلبك يقرب من ربنا فيه. وما - 00:13:03

طولش هذا الذكر طول اليوم لحد ما نتقابل بكرة بازن الله. سبحانك اللهم وبحمدك اشهد ان لا اله الا انت استغفرك واتوب اليه. المانيو كرة عرضية عالية روني الله! مستحيل! مستحيل - 00:13:23
هذا لا يحدث كل يوم. هذا لا يحدث كل يوم لا يحدث - 00:13:43